

中華大典

穆天子傳今考
(二)

襄陽申甫衛挺生著

穆天子傳今考

第二編 內篇 實錄之內容攷釋

第一章 今攷「周穆王征巡實錄」

挺案：穆天子傳文自晉初荀勗等校定爲五卷郭璞註併另章爲六卷以來，除有傳鈔之錯誤及脫落與衍文外，別無重要之變更。今詳察其劃分六卷，多不合理。中間編纂，曾見其有一部分之時序顛倒。其卷五內所記之事件，當在卷一所記事件之前。而且卷五下半卷所記之事件又當在同卷上半卷所記事件之前。此卷之錯亂衍奪最甚，想係竹簡出土時，原編之線索朽斷而散亂之所致。故需澈底改纂，始能恢復其原紀錄之本來面目。今所改訂補充者，除多採清乾嘉以來各家之所校正者外（如洪頤煊嘉慶五年庚申本，黃堯圃丕烈嘉慶十年乙丑十一年丙寅本，翟云升道光十二年本，顧惕生實民國廿三年本等）餘皆就挺觀察攷證所及，試就愚見求解。全書原文之紀載，無一字不合於天文、地理、歷史、民俗、語言、動、植、礦物等科學之客觀事實。凡此皆可證其爲史官之實錄，而非後人臆造之小

說。卽如荀勗等所定之「穆天子傳」書名，亦非正史之所能容。正史紀錄中，從來無以「天子」名篇之例。而有關「天子」之紀錄，更無稱「傳」之先例。晉人或稱其書曰「周王遊行」，「記」，書名亦類似小說。所以清人於纂修四庫全書時，以之列入「小說類」，則因其「名不正」故也。宋人或以入「傳記類」亦不倫。隋唐正史以之編入「起居注類」，較爲近似。然書中記錄者限於征巡，而其在朝廷時之起居闕焉。擬嘗以之與「大唐創業起居注」比較，文體之詳略不類。又以之與清代十數世之「實錄」比較，恰合。又以之與清嘉慶三年本上皇起居注比較亦合。蓋「起居注」爲原始紀錄而「實錄」乃經修整刪削之「起居注」，其實同也。今爲正名，求其合于實際，改稱其書曰「周穆王征巡實錄」；重體例正名實也。原書記錄者有四季月日而無年。然經詳校其月日之曆朔，則見其西征之第二年之各月朔，合于公曆公元前九八八年之日食朔日紀錄，（見董作賓「西周年曆譜」）則其在天文曆算上已有一年合于天文科學事實，可作爲曆算上之一定點，以推算其前後數年之月日。其前一年爲公元前九八九年。竹書紀年今本記「十三年春祭公帥師從王西征次于陽紆」。再前一年公元前九八〇年，紀年記「十二年毛公班井公利逢公固帥師從王伐犬戎。冬十月王北巡狩遂征犬戎。」更前一年公元前九九一年，紀年記「十一年王命卿士祭公謀父」。再前一年公元前九九二年乃穆王「大受命」之年。「作重璧臺」紀年在「十五年」公元九八七年凡六年之實錄自公元前九九二年至前九八七年。顧實氏吳其昌氏據竹書紀年推定爲周穆王十一年至十五年。而董作賓氏則據另一天文事實，推

定爲周穆王三十三年至三十七年。然就書中所記錄之事實察之，皆少壯者之所爲。倘如史記所記「王卽位，春秋已五十矣」計算之，則八十三至八十八歲之老人而有此行，殆絕對不可能。故姑採與顧氏與氏接近之主張，而暫定爲周穆王十年至十五年事。乃據此而改纂周穆王征巡實錄之年月日。此外又察今世流行之校改本穆天子傳，多將原寫「今文」之字，改寫所謂「古文」，殊嫌無聊。今儘可能改還今文，以便讀者。至于原有之闕文，一部分可按上下文與前後紀載，而知其當作何文何字者，除各家已有定論者外，亦皆就愚見所及試爲之填補。文字之證明爲訛奪者，改正補足之。其衍文則逕予刪除。凡此均另見於各別之攷證文中。而實錄之本文中不復記注，以合體例。（闕文照舊用□示缺一字至數字乃至數十數百字。擬所補充之文字悉加方括弧□以示之。）

周穆王征巡實錄

衛挺生申甫校補改纂

〔周，穆王〕

〔十年、孟秋〕辛丑、塞。

至于臺，乃大暑。除天子居于臺，以聽天下之〔政〕。

遠方□之數而衆從之，是以選扞。乃載之神人□之能數也。乃左右望之。天子樂之。命爲□而時□焉。□其名曰□公去乘人□猶□。

有虎在於馭中。天子將至。七萃之士高奔戎請生縛虎，必全之。乃生縛虎而獻之天子。天子命爲舋而畜之東虢，是爲「虎牢」。天子賜奔戎駟馬十駟，歸之太牢。奔戎再拜稽首。

丙辰，天子北遊于林中，乃大受命而歸。

仲秋甲戌，天子東遊，次于雀梁「曝」，蠹書于羽林（「林」）

季秋□，乃宿于房。

畢人告戎曰「俊翟來侵」。天子使孟念如畢討戎。

霍侯舊告薨。

天子臨于軍丘，狩于藪。

「季冬」天子東遊于黃澤，宿于曲洛，廢□，使宮樂謠，曰：

「黃之池。其馬歆沙。皇人威儀。」

黃之澤。其馬歆玉。皇人受穀。」（「受」一作「壽」）

丙辰，天子南遊于黃「太」室之丘，以觀夏后啓之所居，乃「入」于啓室。

天子筮獵萃澤。其卦遇訟三三。逢公占之，曰，訟之繇：

「藪澤蒼蒼。其中□□。宜其正公。戎事則從。祭祀則熹。畋獵則獲」。

「天子」飲逢公酒，賜之駿馬十六，絺紵三十篋。逢公再拜稽首。賜筮史狐，□有陰雨。夢神

有事，是謂重陰。天子乃休。

日中大寒，北風雨雪，有凍人。天子作詩三章以哀民，曰

「我徂黃竹，〔幅〕員闕寒，帝牧九行。嗟我公侯，百辟冢卿，皇我萬民，旦夕勿忘。

「我徂黃竹，〔幅〕員闕寒，帝牧九行。嗟我公侯，百辟冢卿，皇我萬民，旦夕勿窮。

「有蛟者駱，〔同「鷺」〕翩翩其飛。嗟我公侯，〔百辟冢卿，皇我萬民，〔密〕勿則澤，

居樂甚寡。不如遷土，禮樂其民。」

天子曰「余一人則淫，不皇萬民」。□登，乃宿于黃竹。

壬申，天子西升于曲山，乃宿于曲山。

□□，天子西征，升于九阿，南宿于丹黃。

戊寅天子西升于黎丘之陽。□過于靈□，〔與〕井公博。乃駕鹿以遊于山上爲之石主，而〔入

于〕寘軫，乃次于涇水之陽。

〔孟春〕吉日丁亥，天子入于南鄭。

〔仲春丙寅〕寶處曰：「天子四日休于滻澤，」於是射鳥獵獸。

丁丑，天子〔至于滻上〕，雨乃至。祭父自圃鄭來謁。

留昆歸玉百枚。

陵翟致賂，良馬百駟。歸畢之寶，以詰其成。陵子疇胡□東牡。

見許男于滄上，祭父以天子命辭曰「去茲羔，用玉帛見。」許男不敢辭，還取束帛加璧〔見〕，毛公舉幣玉。

是日也，天子飲許男于滄上。天子曰：

「朕非許邦，而恤百姓□也。咎（舅）氏宴飲，毋有禮。」

許男不敢辭，升，坐于出尊。乃用宴樂。天子賜許男駿馬十六。

許男降，再拜空首，乃升，平坐。及暮，天子遣許男歸。

〔孟夏〕甲寅，天子作居范宮以觀桑者，乃飲于桑中。天子命桑虞出〔剡〕桑者用禁暴民。（一作

〔人〕）

癸亥，天子乘鳥舟龍卒浮于大沼。

夏，庚午，天子飲于滄上。乃遣祭父如圃鄭，用〔聯〕諸侯。

辛未，天子北還，釣于漸澤，食魚于桑野。

丁丑，天子里圃田之路，東至于房，西至于〔樂〕丘，南至于桑野，北盡經林煮□之藪，南北五十□。

十虞：東虞曰兔臺，西虞曰樂丘，南虞曰□富丘，北虞曰相。其御虞曰□，來十虞所。

〔庚〕辰，天子次于軍丘以旂于藪。□

仲夏甲申，天子□所。

庚寅，天子西遊，乃宿于祭。

壬辰，祭公飲天子酒，乃歌昊天（古文作「鹵天」）之詩。天子命歌南山有臺，（古文「饗」）乃紹宴樂。〔天子命祭公謀父爲王卿士。〕

丁酉，天子作臺以爲西居。

壬寅，天子東至于雀梁。

甲辰，浮于滎水，乃奏廣樂。

季夏庚戌，〔天子〕休于范宮。

仲秋丁巳，天子射鹿于林中，乃飲于孟氏，爰舞白鶴二八，還宿于雀梁。

季秋辛巳，天子司戎于□來虞人次御。

孟冬鳥至，王姬〔習〕弋。天子夢羿射于塗山。祭公占之，疏□之□。

仲冬丁酉，天子射獸休于深澤，得麋麇豕鹿四百有二十，得二虎九狼，乃祭于先王，命庖人熟之。

戊戌，天子西遊，射于中□，方落，艸木鮮。命虞人掠林除藪以爲百姓材。

是日也，天子北入于郕。與井公博，三日而決。

季冬甲戌，天子東遊，飲于留所（或作「祁」），射于麗虎，讀書于蒨（古「藜」）丘。

□獻酒于天子，乃奏廣樂。天子遺其靈鼓，乃化爲黃蛇。天子鼓，道其下而鳴，乃樹之桐，以爲鼓則神且鳴，則利於戎。以爲琴則利□。

〔十二年〕〔謀征犬戎，大興六師，祭公謀父廷諫，王以祭公爲北征主帥。觀兵而不用兵。〕

〔仲冬癸酉，自宗周 匱水西出師。〕

〔丁丑〕，飲天子錫山之上。

戊寅，天子北征，乃絕漳水。

庚辰，至于〔皋落氏〕，觴天子于盤石之上。天子乃奏廣樂，載立不舍，至于鉞山之下。

癸未，雨雪，天子獵于鉞山之西阿。于是得絕鉞山之隊（同「隧」），北循摩陀之陽。

乙酉，天子北升于〔髡之墜〕。

〔丙戌〕，天子北征于犬戎。

犬戎胡觴天子于雷水之陽，天子乃樂。□，賜七萃之士禪。

庚寅，北風雨雪，天子以寒之故命王屬休。

甲午，天子西征，乃絕隄之關墜。

己亥，至于焉居禹知之平。

〔十三年孟春〕辛丑，天子西征，至于鄠人。河宗之子孫鄠伯（古文「柏」）繁祖（古文「且」）逆天子于智之「境」，先豹皮十，良馬二六。天子使井利受之。

癸卯，天子舍于滹澤，乃西釣于河，以觀「禹」智之□。

甲辰，天子獵于滹澤。於是得白狐玄貉（古文作「貉」）焉，以祭于河宗。

丙午，天子飲于河水之阿。天子屬六師之人于鄠邦之南，滹澤之上。

戊申，天子西征，驚行至于陽紆之山，河伯無夷之所都居，是惟河宗氏。河宗伯（古文「柏」）天逆天子燕然之山，勞用束帛加璧，先白「圭」，天子使祭父受之。

癸丑，天子大朝于燕然之山，河水之阿。乃命井利梁固聿將六師。天子命：

吉日戊午，天子大服冕褱帔帶，摺胄（古「笏」）夾佩，奉璧南面立于塞下，曾祝佐之。官人

陳牲全五□具。天子授河宗璧。河宗伯天受璧，西向沉璧于河，再拜稽首，祝沉牛馬豕羊。

河宗「致」命于皇天子。河伯號之，「帝曰『穆滿，女當永致用時事』」。南向再拜。

河宗又號之「帝曰『穆滿，示女春山之寶，詔女昆侖□舍四，平泉七十，乃至于昆侖之丘，以觀春山之寶，賜語晦』」。

天子受命，南向再拜。

己未，天子大朝于黃之山。乃披圖視典，周觀天子之寶器，曰：

「天子之寶：玉果，璿珠、燭銀、黃金之膏。天子之寶萬金，〔諸侯之寶千金，卿大夫之寶百金，士之寶五十金，庶人之寶十金。天子之弓射人，步劍牛馬，犀□器千金。天子之馬走千里，勝人猛獸。天子之狗走百里，執虎豹〕。」

伯天曰：「征鳥使翼」曰：

「□烏鳶鷩鷩飛八百里」。

「名獸使足」〔曰〕：

「〔馱驥〕走千里。狻猊野馬走五百里。邛邛距虛走百里。麋〔鹿〕走二十里。」

曰：「伯天既致河典」，乃乘渠黃之乘爲天子先，以極西土。

乙丑，天子西濟于河。□爰有溫谷樂都，河宗氏之所遊居。

丙寅，天子屬官效器。乃命正公郊父受敕憲，用申八駿之乘以飲于枝特之中，積石之南河。

天子之駿：赤驥，盜驪（史記作「溫驪」）白義，輪輪，（今本作「踰輪」，玉篇云「踰，紫色馬」）山子，渠黃，華騶（赤馬），綠耳；狗：重工，澈山，蜚猥，□黃，南□，來白。天子之御：造父參百耿脩芍及。曰：天子是與出〔山〕入藪田獵釣弋。

天子曰：

「於乎！予一人不盈于德，而辨於樂，後世亦追數吾過乎？」

七萃之士「高奔戎復子」天子曰：

「後世所望，無失天常。農工既得，男女衣食。百姓安富，官人執事。故天有時，民「食是」
「享。何謀於樂？何意之忘？與民共利，世以爲常也。」

天子嘉之，賜以左佩玉華。乃再拜頓首。

□伯天曰□

「仲春，辛巳」至于西夏氏。

「丁亥，天子南征」

「季春辛亥」「天子至于」積石之南河。

「甲寅」，天子飲于枝特之中，封膜晝于河水之陽，以爲殷人主。

「丁巳」，至于珠余氏。

「庚申」，至于河首「天子三日遊觀于河首」

「癸亥，天子自河首西征。」

「孟夏己巳，天子升于襄山之陞。」

「仲夏己酉，至于不周之山。」

丁巳，天子西南升〔于囿〕之所主居。爰有大木碩草，爰有野獸可以畋獵。

戊午，囿之人居獻酒百〔斛〕于天子。天子已飲而行，遂宿于昆侖之阿，赤水之陽。爰有鸛鳥之山。天子三日舍于鸛鳥之山，□。

吉日辛酉，天子升于昆侖之丘，以觀黃帝之宮，而封豐隆之葬，以詔後世。

癸亥，天子具饗齊牲全，以禮〔于〕昆侖之丘。

甲子，天子北征，舍于珠澤以釣于流（古文作「沔」）水。曰：

「珠澤之數方三十里。爰有藿葦、莞蒲、茅、荻、蕨、萑。」

乃獻白玉□隻。□角之一□三可以□沐。乃進食□酒十□姑剡九□，亦味中糜胃而滑。因獻食馬三百，牛羊三千。

天子〔封囿〕之人居慮于〔昆侖〕，以守黃帝之宮，南司赤水，而北守春山之寶。

天子乃賜〔珠澤〕之人□吾黃金之環三五，朱帶貝飾三十，工布之四。□吾乃膜拜而受。

天子又與之黃牛二六，以三十□人于昆侖丘。

季夏丁卯，天子北升于春山之上，以望四野，曰：

「春山是唯天下之高山也。孳木華不畏雪」。

天子於是取孳木華之實，持歸種之。曰：

「春山之澤，清水出泉，溫和無風。飛鳥百獸之所飲食。先王所謂『縣圖』」。天子於是得玉榮枝斯之英。曰：

「春山百獸之所聚也，飛鳥之所棲也。」

爰有□獸，食虎豹如麋而載骨盤。□始如麋，小頭大鼻。爰有赤豹、白虎、熊、羆、豺、狼、野馬、野牛、山羊、野豕。爰有白鶡青雕、執犬羊，食豕鹿。曰：

「天子五日觀于春山之上」。

乃爲銘述于縣圖之上，以詔後世。

壬申，天子西征。

甲戌，至于赤鳥，「赤鳥」之人𠂔（古文「其」字）獻酒千斛于天子，食馬九百，羊牛三千，稌麥百載。天子使祭父受之。曰：

「赤鳥氏先，出自周宗。太王亶父之始作西土，封其元子吳太伯于東吳，詔以金刃之型，賄用周室之璧，封其「璧臣長綽」于春山之蜀，妻以元女，詔以玉石之型以爲周室主」。

天子乃賜赤鳥之人𠂔，墨乘四，黃金四十鎰，貝帶五十，朱三百裏。𠂔乃膜拜而受。曰：

「蜀山，是唯天下之良山也。寶玉之所在。嘉穀生之。草木碩美」。

天子於是取嘉禾以歸樹于中國。曰：

「天子五日休于〔蜀〕山之下，

乃奏廣樂。赤鳥之人〔好獻二女于天子，女聽女列以爲嬖人。曰：

「赤鳥氏美人之地也，寶玉之所在也。」

己卯，天子北征，超行〔舍。

庚辰，濟于〔洋水。

辛巳，入于〔曹奴。曹奴之人戲觴天子于〔洋水之上，乃獻食馬九百，牛羊七千，稌米百車。天子使逢固受之。天子乃賜曹奴之人戲〔，黃金之鹿，白銀之麇，貝帶四十，朱四百裹；戲乃膜拜而受。

壬午，天子北征東還。

甲申，至于〔黑水，西膜之所謂「鴻鷺」。于是降雨七日，天子留胥六師之屬。天子乃封〔長臚于黑水之西阿，是惟昆侖鴻鷺之上，以爲周室主。是曰留胥之邦。

辛卯，天子北征，東還，乃循〔黑水。

癸巳，至于〔羣玉之山，容成氏之所守。曰：

「羣玉田山，〔知阿平無險，四徹中繩，先王之所謂冊府，寡草木而無鳥獸」。

爰有〔木，西膜之所謂〔。天子于是攻其玉石，取玉版三乘，玉器服物，載玉萬隻。天子四日

休羣玉之山，乃命邢侯待攻玉者。

孟秋丁酉，天子北征。「容成」之人潛時觴天子于羽陵之上，乃獻良馬牛羊。天子以其邦之攻玉石也，不受其牢。伯天曰，「容成」氏檻之後也。天子乃賜之黃金之嬰三六，朱三百裹。潛時乃膜拜而受。

戊戌，天子西征。

辛丑，至于劓閭氏。天子乃命劓閭氏供食六師之人于鐵山之下。

壬寅，天子祭于鐵山，祀于郊門。乃徹祭器于劓閭之人溫歸，「溫歸」乃膜拜而受。天子已祭而行，乃遂西征。

丙午，至于鄆韓氏。爰有樂野溫和，稌麥之所阜，犬馬牛羊之所昌，寶玉之所□。

丁未，天子大朝于平衍之中，乃命六師之屬休。

己酉，天子大饗正公、諸侯、王吏、七萃之士、于平衍之中。鄆韓之人無鳧乃獻良馬百匹，服牛三百，良犬七十，犛牛二百，野馬三百，牛羊二千，稌麥三百車。天子乃賜之黃金銀嬰四七，貝帶五十，朱三百裹，變□雕官。無鳧上下乃膜拜而受。

庚戌，天子西征，至于玄池。天子三日休于玄池之上，乃奏廣樂，三日而終，是曰「樂池」。天子乃樹之竹，是曰「竹林」。